

倦居縣志卷之十五

遺英列傳

嘗讀董汙都士不遇賦愴如也嗟乎大丈夫磊磊落落抱異才不逢明察爲僊父所掄擲至五嶽壘方寸以死有心者烏能已已哉厥有僊來淪落不識凡幾姓名都茂由考間父老尙有能言之者聊志諸作九原之責噫

明

金德字克盛號慎齋學行交茂以遠大自期屢試有司不得一當賁志以終人多悼之

倦居縣志

卷十五

遺英

一

張桴字廷哲六歲穿紅靴隨父入太學大司成試以格聯曰紅靴穿入院卽應聲曰玉帶曳歸朝大奇之十歲入校餼于上舍旣而三試三居首弘治乙酉陸試官某呈其卷荐第一或以策近譏諷宐少女之陸怒曰莫壞此子留爲來科作解遂勿得雋歸卽得疾而卒

陳武字維揚號北峯少補邑諸生名籍也浙東西問握荆不售而卒霞城主事陳錫嘗曰余幼聞舉子業于名家也館致北峯陳先生因與秦子鳴雷執經焉鳴雷取上第歸余亦盥廁其後先

生顧落莫以沒詎非天耶弟侯字維藩號養吾亦有才無命云

李一潮號牛山幼卽負異操長益有聲以文章雄視海內每作一出人爭傳誦之奉爲楷模嘗自謂狀頭可立致衆亦信其必然屢上有司多不利偃蹇待歲嘉靖間僅得一貢官教諭終俛首寒鱗位不稱德君子惜之

應來字育仁號南麓七歲以奇童稱十歲讀經史性理諸書悉遍爲文有藻思不詭墳典之精更刻意聲雅出入王孟岑杜間應省試連鍛厥羽僊居縣志

卷十五

遺英

二

萬曆丁卯錄冠經房竟爲他有力者所擠後僅以貢任司訓可謂奇扼所著有步鄆正續二集行于世

余楠隆字茂石號遠植少穎異年十三補邑諸生凡領鄉試批者五督學使目爲七庠首者三中副車者三崇禎辛未貢入北闈癸酉行人姜應甲閱其卷評云如芒碭山中龍文異采力荐冠塲主司欲稍次焉姜執不可謂寧置之勿使人得居渠上也竟牴牾不獲雋楠隆文高而行潔四方學者多師事之朱撫軍大典亦遣子受業

時有周尚質字應斐張相組字君英王熙復字
太洪張鍾斗字向之張世俊字漢留皆磊砢不
羣落七數奇未遂凌雲之志云

吳桂傑字君英號寓庸天啟間試棘闈有司擊節
其文不容口既定元矣以徵青得副榜志甚抵
家疽發背而卒

季良弼字元商號傳巖與從弟良木良潔俱有俊
才屢試有司勿利少餼于庠比貢將上禮部俄
得疾卒人多傷之所著有抱膝吟

張鍾參字煥之號晉生爲人端亮尚氣節天資絕

僊居縣志

卷十五

遺英

三

倫學問該博雄于古文詞名籍甚垂髫補邑諸
生試輒冠軍督學使黎左巖嘗曰吾見張生蕭
蕭如野雀之在雞羣真人龍也蔣司李鳴玉亦
稱其才不減相如上鄉闈十有一獲呈者四竟
落孫山僉勿之平迄運際鼎革遂絕意仕進築
室雙桂下日嘯咏其中君子謂其有陶五柳風
焉所著有凌雲閣集十二卷

余棟隆字茂吉號寓肩少穎異篤學美丰儀爲文
渾脫瀟灑醇而後肆年十六補弟子員二十七
舉孝廉上春官勿利除義烏學諭非其志也署

中益淬勵讀書鍵戶下帷如董子之足不窺園
又時已進門人虞國鎮陳聖圻金漢鼎金漢蕙
諸子相與講論揣摩虞陳輩得其指南相繼登
第而棟隆每逢母喪哀泣過情得目疾遂不果
北上有志未竟焉

應存徵字久齋少聰慧軼羣精詩律尤工書法竊
慕文衡山之爲人故命名湯邑僕聘尹季試拔
第一嘆未易才者數四秦宗伯鳴雷見而異之
妻以女嘗曰台之繼吾取狀頭者其在斯乎奈
才爲壽促賚志而沒聞者莫不浩嘆

吳時麟號默齋刺史炳庶子天資奇絕過目成誦
入國學讀書名動一時與屠長卿王太初善萬
曆癸酉領應天鄉荐上南宮勿售遂游衡山遇
碧虛道士于逆旅諧甚洽臨岐碧虛贈玉簪一
枝曰君好拾之簪亡君壽亦盡別歸三年一日
大雪與內園爐語及出簪視之墜地而碎是夕
遂亡

張鳳來號東樞以詩賦草書著名好汗漫游足跡
幾遍名山川胡撫軍某聞其賢羅諸幕下會陳
郡守某聲穢甚胡命扁疏草勦之已而胡多受

陳金隨命改屬荐章鳳來投筆曰公朝廷耳目
毀譽固悠悠如懸旌耶遂辭歸晚年寡出四方
求作字者履相接于門不減竹枝山唐伯虎云
應昌基字君肇號坦如侍御朝卿次子性至孝甫
四歲人與之菓必懷歸以奉母母不食不先食
也八歲受業于陳心莪用時能誦五經白文解
屬文十六補郡庠諸生二十廩天厨嘗自謂風
雲在鳥履間也天啟辛酉恩貢北上聞父卒于
永平徒跣扶襯歸哀毀成疾而卒聞者傷之

朱光紹字惟彥號鳳寰幼穎異不羣以草書著稱

僊居縣志

卷十五

遺英

五

父貢生明吉慷慨輕財多義舉文戰屢失利常
摩其頂曰是兒多慧大吾青箱業者必若也稍
壯以才自負遇求田問舍翁若將挽之輒望七
然去僊寒場屋兩中副榜竟不獲雋從侄大才
字君英號觀餘丰儀俊偉饒有幹局性孝友善
屬詩文晚年益讀書勿倦雖至顛沛時手不釋
卷驥首龍門頻遭點額君子並惜之

張鍾祿字申之號三楚狀貌奇偉性不羈少與尹
別駕遇齋吳文林廸甫善嘗約裹糧作楚游放
浪洞庭彭蠡間心艷其勝因以爲號工屬文湯

覺軒批鱗謫來令少許可獨器之顧好爲子史語不屑與時眺仰潦倒棘闈終抱知希之嘆士林多爲扼腕

王汝令字二奇少負大志嘗游學白下名噪甚汜左聞士無不心折焉每會雅推執牛耳顧才與命違屢舉不第垂白始博一貢卒之曰同學屠赤水親詣其靈作賺老英雄歌悼之

應昌釋字君成號斗輝倜儻負異才博洽羣書萬曆乙卯科本房首呈其卷主司以小嫌置之由是常懷快心生平樂善疾惡遇操行純潔者愛

之慕之傾貲濟之不惜也浮薄鄙夫輒嫚罵不稍徇祖司寇祭田未立蹙然曰大父位列八座祀產不設何以供黍盛展孝思也遂以已田爲諸房倡每值嚴冬必出視有衣履單寒者輒贍以布米顧數奇不偶天啓乙丑貢赴廷試卒于京子爾健字順能世其學爲文力追秦漢而上不屑文章句帖嗶語年十四補諸生性至孝聞父訃一號幾絕徒步往扶襯歸侍母病甚謹常夜籲天祈減齡以代翁侍御明英少貧落魄爾健與之善資贍無少怠後翁卒橐蕭然無以

爲殮爾健復易產爲經紀其喪有范文正麥舟
風 國朝順治己亥貢以病卒未竟其用上論
惜之

論曰士以知希貴似也顧夜光之璧明月之
珠輒被按劍相侮亦復誰能遣此昌黎有言
莫爲之前雖美勿彰嗚呼豈易數也 觀耶

